


---

## **SÛRETÊN HISRETÊ Û KESERVEDAN**



**Arif Arî / Amed**

---

**Bihar**

**Her dar hildiperike rojê  
her şax bi her guliyî re her pel  
Bihar; kîşwereke bîhn nefel  
Bihar; sîngûberên dukel  
Û qetîtkên erxweanî  
Û geşta li zewiyên gerdenê..**

**Di bin serê te de balgih e zen-  
deke min  
Yê din li te pêçayî, koremar  
Li keviyên Dîjle stirana (hele yar)  
Xweş hest im Bihar, sermestim  
Bihar!  
Tu Bihar, dor bihar, ez bi har**

---

Çî din bixwazim jio Xwedayê bi  
tenê!  
... Û tu neyê?  
Rûbarekî bibîne, ku ji kaniyekê  
derneyê  
rojekê bibîne rojekê, ku bi siha-  
rê re hilneyê  
Her roj dimirim di mextela ben-  
demayînê de  
Hêviya hatinekê dipûrisînim,  
hêvî biqede.. û tu neyê?  
Şeş rêz gazin  
Ji newaya qumriyan deng biliya  
Di şkefta devê min de stiraneke  
şev çû  
Ji te ji welatekî bêxwedî  
Ji hezkirinê pê ve min çî kiribû!  
Kitikeke min jî nîne  
Qumrîka dawî jî firî.. û çû!  
Li dû  
Her ku pirpirînek firîya şaxek  
hejiya li dû!  
Li dû; di çengên siharê de meyan  
xilolîk  
Li dû; ne şev ne roj ne kêlîk..  
Li dû; dil bi piyan neket dil ji şîr  
venebû!

Bendî  
Mişt keser î tu hilm bi hilm bêrî  
Di nava tiliyên min de rojek din  
zerirî  
Hûtekî hefî serî ye di çîrokan de  
çile  
Min dixwe, dil dikevêje, zaman  
dirûxe  
Di kêlîkeke jibîrbûyî de te dest  
biavêta berî..!  
Bêbauê  
çavên te: binefşên tenik  
Di sipêde de şîrkî şîrkî, hênik  
Bayek in; nermik nermik, nişmî..  
Bêbauê, di çavên te de vemirîn  
Çil biharên hevrîşmî!  
Têm  
Di xurcika min de hemû qewîtî  
Kembera zîvî, hina qeş  
mîrê, heprî..  
Cotê xirxalan ji bîr dikim qet!  
Siwarê hespa kimêt im tîm  
Tîm ku bikim xizîm Berîka  
Binxetê!  
Kîjan mîreke li devê riya te?  
Se diwete, gur dizûre baz  
difîkîne

---

Tu bilîlîne b wî dengê saba  
Şîyar ke ji xewê çiyakên  
Şerxetê  
Ev qûça hana Şemerîyan  
Neyar in jixwe ez û vê  
hikûmetê!  
Kulîlk hene  
Kulxîlk hene; sihar sihar divebin  
êvar diçilmisin  
Kulîlk hene qurmiz qurmiz, ji  
qefesê dil didizin  
Kulîlk hene; bejin aza çiya çiya  
dilerzin  
Kulîlk hene kulîlka min, di gul-  
danka dil de narizin  
Pirs

Mirin bêî te bûne  
Mirin ji te dûrbûn, li cem te  
nebûne  
Dimirim dimirim bêî te  
Ku ez bimirim, tu ê çi bikî bi  
tenê?  
Tembî  
Yan li kendalên dil bikole  
Yan jî li perên xwele çiyayekî  
Şerme şairikî çiyayî dahêjin  
gornê  
Li goristaneke kêl kerr  
Li ber guhên zirr bajarekî!  
Kê negor, ax! û n nû?  
Kî nebû ax.. û neçû?  
Felek, qajikê biçû  
Arjen jî dil bi dax neçû?